

Na osnovu provedenog postupka javne nabavke u skladu sa Aneksom II dio B Zakona o javnim nabavkama („Službeni glasnik Bosne i Hercegovine“, broj: 39/14) i Pravilnika o postupku dodjele ugovora o uslugama iz Aneksa II dio B Zakona o javnim nabavkama Bosne i Hercegovine („Sl.glasnik BiH“, broj: 66/16), te Odluke o izboru najpovoljnijeg ponuđača, broj: 17-11-7-14937-6/21. od 24.11.2021. godine, kojom se prihvata ponuda ponuđača broj:1/21 od 22.11.2021.godine i kojom se ponuđaču „Mlini-pek“ d.o.o. Donja Golubinja bb, Žepče dodjeljuje ugovor o „Skladištenju i znavljanju brašna tip 500, pakovanje 25/1, u količini od 65.000 kg“ za potrebe Kantonalne direkcije robnih rezervi Zeničko-dobojskog kantona, ugovorne strane:

Zeničko-dobojski kanton, Kantonalna direkcija robnih rezervi, Zmaja od Bosne bb, 72000 Zenica, koga po ovlaštenju Vlade Zeničko-dobojskog kantona zastupa Zoran Martinović, direktor, ID broj: **4218343190000** (u daljem tekstu: **Kantonalna direkcija**),

i

„MLINI-PEK“ d.o.o., ulica Donja Golubinja bb, 72230 Žepče, ID broj: 4218244960006, koga zastupa direktor Amer Maličbegović (u daljem tekstu: **Skladištar**), zaključuju sljedeći:

UGOVOR

o skladištenju i znavljanju brašna tip 500, pak 25/1, u količini od 65.000 kg

I. PREDMET UGOVORA

Član 1.

Predmet ovog ugovora je skladištenje i znavljanje brašna tip 500, pakovanja 25/1 u količini od 65.000 kg, za potrebe Kantonalne direkcije robnih rezervi Zeničko-dobojskog kantona, u skladu sa Odlukom o izboru najpovoljnijeg ponuđača, broj: 17-11-7-14937-6/21. od 24.11.2021. godine i prihvaćenom ponudom broj: 1/21 od 22.11.2021.godine, a po provedenom postupku javne nabavke u skladu sa Aneksom II dio B Zakona o javnim nabavkama („Službeni glasnik Bosne i Hercegovine“, broj: 39/14) i Pravilnika o postupku dodjele ugovora o uslugama iz Aneksa II. dio B Zakona o javnim nabavkama Bosne i Hercegovine („Sl.glasnik BiH“, broj: 66/16).

II. UGOVORENA CIJENA

Član 2.

Ugovorene cijene su cijene iz ponude Skladištara br.1/21 od 22.11.2021.godine, na paritetu iz Člana 3. ovog ugovora i ne sadrže pripadajući porez na dodanu vrijednost.

Ponuda Skladištara br. 1/21 od 22.11.2021.godine sastavni je dio ovog ugovora.

Ugovorene cijene su nepromjenjive za svo vrijeme trajanja ugovora.

Član 3.

Skladištar se obavezuje da će blagovremeno izvršiti uslugu skladištenja i znavljanja iz člana 1. ovog Ugovora u skladu sa datom ponudom.

III. ROK ISPORUKE I NAČIN PLAĆANJA

Član 4.

Skladištar je obavezan u potpunosti izvršiti uskladištenje brašna u roku koji je ponuđen u ponudi, a koji traje sa danom potpisivanja Ugovora, a ne duže od 30 dana.

Sastavni dio ovog Ugovora je potvrda o skladištenju, koja će biti napisana poslije isporuke i uskladištenja kompletne količine brašna.

Član 5.

Na osnovu Zapisnika o skladištenju brašna, sastavljenog u 2 (dva) primjerka, od kojih svaka strana zadržava po jedan, Skladištar će ispostavljati mjesečne fakture za troškove skladištenja i znavljanja brašna.

Fakturisanje usluga skladištenja i znavljanja će se vršiti do petog u tekućem mjesecu za protekli mjesec računajući od dana preuzimanja, odnosno uskladištenja kompletne količine brašna.

Član 6.

Skladištar se obavezuje da prema pisanim nalogima Direkcije vrši otpremu uskladištenog brašna, uz pravovremeno organizovanje, izvršavanje i uredno izdavanje dokumenata kojima se dokazuje da je isporuka uredno izvršena, uz osiguranje relevantne dokumentacije o kvalitetu.

Član 7.

Skladištar je dužan ispostaviti račun za otpremu sa pratećom dokumentacijom iz prethodnog člana, a Direkcija izvršiti plaćanje u roku do 30 dana od dana prijema računa.

IV. GARANCIJA KVALITETA I REKLAMACIJE

Član 8.

Skladištar se obavezuje da će brašno iz predmeta ovog ugovora uskladištiti u odgovarajućem skladišnom prostoru i čuvati sa pažnjom dobrog privrednika, uz zadržavanje kvaliteta.

Skladištar je dužan, u cilju osiguranja kvalitete brašna, blagovremeno, tj. najmanje tri mjeseca prije isteka roka za upotrebu, obnoviti ukupnu količinu uskladištenog brašna iz predmeta ovog ugovora, bez naknade.

Skladištar u potpunosti i bez rezerve odgovara za količinu, kvalitet i druge bitne osobine uskladištenog brašna iz predmeta ugovora.

Član 9.

Skladištar se obavezuje da osobama ovlaštenim od Kantonalne direkcije omogući uvid u stanje uskladištene robe iz predmeta ovog ugovora, te kontrolu kvaliteta i kvantiteta.

Član 10.

Skladištar ne može bez odobrenja Direkcije raspolagati uskladištenim brašnom.

Član 11.

Skladištar se obavezuje da uskladišteno brašno evidentira u svojim poslovnim knjigama kao robu u vlasništvu Kantonalne direkcije (tuda roba u vlastitom skladištu).

Pored uobičajene skladišne evidencije, dobavljač je dužan voditi zasebne skladišne kartice i na istim evidentirati odgovarajuće promjene.

Član 12.

Sukladno Zakonu o računovodstvu i reviziji Federacije BiH ("Sl. novine F BiH", broj. 83/09), Skladištar je obavezan da dva puta puta godišnje (30.06 i 31.12) izvrši popis uskladištenog brašna i popisne liste odmah dostavi Kantonalnoj direkciji robnih rezervi.

Popis uskladištene robe vrši se na popisnim listama skladištara.

Član 13.

Skladištar se obavezuje ispuniti uslove koji se tiču sigurnosti robe u skladu sa Zakonom o agencijama za zaštitu ljudi i imovine („Službene novine F BiH“, broj:50/02. i 78/08.). Skladištar se obavezuje da bez odlaganja obavijesti Direkciju o promjeni naziva firme, vlasničke strukture, oblika organizovanja, osobe ovlaštene za zastupanje i drugih bitnih elemenata.

Član 14.

U svrhu osiguranja kvaliteta i količine uskladištenog brašna, Skladištar je dužan po potpisu ugovora, a najkasnije po uskladištenju kompletne količine predmetnog brašna, predati Kantonalnoj direkciji dvije uredno popunjene, potpisane, ovjerene i akceptirane bianco mjenice sa klauzulom „bez protesta“ i mjeničnu izjavu ovjerenu kod javnog bilježnika-notara, kao sredstvo osiguranja za vrijednost preuzetog brašna i garanciju izvršavanja obaveza.

V. OSTALE ODREDBE

Član 15.

Za praćenje realizacije ovog ugovora nadležna je Kantonalna direkcija.

Član 16.

Ovaj ugovor zaključuje se na period od 3 (tri) godine, u skladu sa datom ponudom.

Član 17.

Svaka ugovorna strana zadržava pravo otkaza u pismenom obliku uz primjenu otkaznog roka od 90 (devedeset) dana, računajući od datuma podnošenja zahtjeva za otkaz.

O razlozima eventualnog otkaza ugovora, dobavljač će pismeno upoznati Direkciju, te će o tome napisati i potpisati Zapisnik.

Ugovorna strana na čiji zahtjev je ugovor otkazan, dužna je drugoj strani omogućiti izvršavanje svih do tada preuzetih obaveza nastalih izvršavanjem odredaba ovog Ugovora.

Dobavljač je u slučaju raskida ugovora na svoj zahtjev, dužan osigurati kompletnu količinu brašna, uz osiguranje i snošenje troškova prevoza predmetnog brašna na lokalitet koji odredi Direkcija.

Član 18.

Međusobna prava i obaveze koje nisu obuhvaćene ovim ugovorom, ugovorne strane će uređivati u skladu sa Zakonom o obligacionim odnosima.

Član 19.

Sve eventualne sporove ugovorne strane će nastojati riješiti sporazumom, a ukoliko to nije moguće, ugovorne strane priznaju nadležnost Općinskog suda u Zenici.

Član 20.

Ugovor stupa na snagu danom potpisivanja obje ugovorne strane.

Član 21.

Ovaj ugovor sačinjen je u 4 (četiri) istovjetna primjerka, od kojih svaka strana zadržava po 2 (dva) primjerka.

Za Skladištara:

Amer Maličbegović, direktor



Za Ugovorni organ:

Zoran Martinović, direktor



Broj:17-11-7-14937-7/21.

Zenica, 21.12.2021.godine